

# Anishinaabeg gaa-wijitwaawaad enakamigak

Forist Prezirvs Kook Kaantii geyaabi wiidanokiimaawaa' Anishinaabeg endaanid, gaye American Indian Center of Chicago, American Indian Health Services of Chicago, Trickster Cultural Center, mii American Indian Education Program omaa Chicago Public Schools, mii St. Kateri Center of Chicago, Northwestern University's Center for Native American and Indigenous Research, and Chicago American Indian Community Collaborative. Gimii gwechiwinaanaanik gaa-wiidanokiimagwaa ezhi-gikendaasowaad. Miiwan onowe gaa-gji-wijii'idiyang:

**Ezhi-wiidanokiimangwaa:** Forist Prezirveshan miiwag ogowe gaa-taangibii'amawaad American Indian Center ge-onji-wijii'indwaa gaa-endaawaad, gaye ogowe Serpent Twin Mound (Pokto Činto) imaa Schiller Woods.

**Tazhinjigaadeg Debendang Omaa Aki:** Chicago Wilderness Wenjimaamaawi'idiwaaad "Bijiinag waa-gikinoo'amawindwaa" omaa akiing tazhinjigaadeg debendang, Adam Kessel, gaye Anishinaabeg omaa Field Museum, Chicago Public Schools American Indian Education Program, gaye Indian Community School ji-dazhinjigaadeg gaa-danakamigiziwaad.

**Ginwaakojiimaanensimazina'igan:** American Indian Center awiyag miiwag ogowe gaa-niigaanishkamowaad ginwaakojiimanensan gaye adaawangewigamig.

**AIC's miinawaa Niimi'iding:** Forist Prezirveshan ogii-tiba'aanaawaa 68th, 69th niimi'idiwin American Indian Center of Chicago. Miiwag ogowe gaa-dazhiikamawaad gaa-inakamigak Schiller Woods, gegaa 6,000 gaa-tazhiwaaad awiyag.

**Bimosewigaagidowin:** Forist Prezirvs Anishinaabewitwaawinan da-dibaajimowin gaye endanakiwaaad omaa noopimiing.

**Ezhi-wijii'iding omaa Akiing:** Forist Prezirveshan ogii-mawadisidaanaawaa Trickster Cultural Center gii-papaanaanaagadawaabandamowaad, gagwedwewaad Anishinaabegitigaanensan.

Forist Prezirveshan omaa Kook Caantii Mazina'igan "Gaye ogowe aanind ezhitwaawaad" mii owe Anishinaabe endawendamowaad ji-izhichigeng, Mewinzha owe nake bii'izhi-wijitwaawag Kook Kaantii gaye Forist Prezirveshan.

Epiichi-gichi-apiitendamowaad Forist Prezirveshan mii owe waa-izhichigewaad:

1. Nawaj geyaabi ji-ani-wiidanokiinding Native American Community, ji-naagwatoowaad epiitendamowaad ezhi-bebakaan niiming Forist Prezirveshan gaye gakiigwewinan mino-bimaadiziwin. Da-oko-wiiiji'idiwag ji-ozhibii'amawaad mazina'igan.
2. Gaye Anishinaabe dibaajimowinan jidagosgingin omaa Kook Kaantii— waasa owe odaanaag eko-minjimendaagwak gaye Anishinaabeg daawaad omaa noongom.
3. Ji-dagwiwaaad aanind gaa-bakaanendaagoziwaaad geyaabi o'apii odazhiikaanaawaan omaa akiing. Bezhig Anishinaabe misawendaagozi ji-wijitwaaad inaakogewinan Forist Prezirveshan gaye Next Century Conservation Council.
4. Ji-manaajichigaadegin gechi-apiitendaagwakin Anishinaabewitwaawinan omaa Forist Prezirveshan Akiing. Gaye onowe jiiibegamigong; ji-wiidanokiimindwaa Anishinaabeg ji-gikendaming jiiibegamigong eyaagin; maagizhaa daana'ichigaadewag giishpin inendaagwak.

[fpdcc.com/about/racial-equity-diversity-inclusion/](https://fpdcc.com/about/racial-equity-diversity-inclusion/)

**Anishinaabe Niimi'idiwin:** Mii omaa nitam gii-niimi'iding Bunker Hill wiiitwaawaad ogowe St. Kateri Center gaye American Indian Health Services, gii-anishinaabeniimi'idiwag, anishinaabewiisiniwin, gaye dibaajimowinan. Gaye gii-naanaagadawaabamaawag "Abinoojiinyag Gaa-gichi-apidendaagoziwaad" mii omaa gii-naagwak gaa-gii-wani'indwaa abinoojiinyag Anishinaabe gikinoo'amaadiiwigamigong.

**Gaa-izhichigewaad gii-biboong:** Forist Prezerveshan gaye American Indian Center of Chicago gii-aadizookewag iwidi Schiller Woods, aanind geyaabi Anishinaabe izhichigewinan gii-aabadadon Forist Prezerveshan.

**Bibooning Gabeshiwin:** Trailside Museum, gaye Ho-Chunk Nation's Language gaye Culture Department, gii-wiizhaamaagwag Chicago Public Schools' American Indian Education Program.

**Anishinaabe Gii-tagwaakonaawag:** Gii-tagwakonaawag Forist Prezerveshan ogii-tazhiikaanaawaan ezhinikaadegin gegoo gaye Conservation & Policy Council.

**Ozhibii'iganiwaabanda'iwewin:** Trickster Cultural Center gii-waabanda'iwewag mazinaakizonan gaye gii-waabanda'iwewag ezhichigeng mazinaakizigeng imaa Trail Museum.

**Anishinaabe adisiganigitigaanensan:** Trickster Cultural Center owe gaa-gii-ozhitood imaa Trailside Museum.

**Ayaapiijinaag Gabeshiwag:** Trickster Cultural Center owe gaa-gii-ozhitood gabeshiwin imaa Rolling Knolls. Mii omaa gaa-tanakamigak dibaajimowinan, ozhichiganan, gaye agwajii-odaminowinan.

**Ganawenjigaadegin Jiibewigamigong:** Forest Preserves' Resource Management Department gaa-anokaadamawaan ogii-kanawendaanaawaan jiibekamigong gaye Ecological Stewardship omaa Thacher Woods izhinikaadeg. Naagaj wii-kagwedwewag aaniin ge-izhichigewaad weweni ji-ganawenindiwaad jiibegamigong Ho-Chunk Nation.

**Owe geget waa-izhichigeng:** Forist Prezerveshan oga-wiidanokiimaa' Anishinaabe' gaye Anishinaabe Ogimaa apii ozhichigaade gechi-apidendaagwak mazina'igan ji-naagwak oko-wiiji'idiyang.

### **Dezhinjigaadeg Debendang**

Apii 2019 awiyag Office of General Superintendent (OGS) gaye Conservation & Experimental Programming (CEP) gii-izhichigaade Forest Preservations' Land Acknowledgement gii-wiiitwaa American Indian Center (AIC). Dazhinjigaadeg debendang aki nitam gii-aginjigaadeg Anishinaabewigiizhigad 2019 imaa Serpent Twin Jiibegamigong (Pokto Cinto) imaa Schiller Woods.

Apii Binaakwiiigiizis 2021, Forest Preserves mii o'apii gaa-aanjichigaadeg Dezhinjigaadeg Debendang Aki, Miami Tribe Oklahoma Anishinaabe ogii-andawendaanaa ji-aanjichigaadeg. Mii iwe Forest Preservation gaa-wiiji'igoowaad mii omaa gaa-onjiimagak aanind Anishinaabeg ji-minjimenimindwaa.

Dezhinjigaadeg Debendang Aki geyaabi o'pii bimosemagat Forest Preservation.

Bizaan igo gegoo wii-dibaajimoyeg gaye gagwedwewin Forest Preservation mii owe ge-wiiji'igoowaad Forest Preservation ji-wiidanokiimaawaad ezhi-bebakaaniziwaad Anishinaabeg.

aazhawaatebii'iganing:

[fpdcc.redi@cookcountyil.gov](mailto:fpdcc.redi@cookcountyil.gov)

[fpdcc.com/about/land-acknowledgement/](https://fpdcc.com/about/land-acknowledgement/)

